

Escrito por Redaccion @valminorinfo
Domingo, 02 Agosto 2015 19:34



Pasarrúas, teatro, danza, mercadillos e moita música formarán parte do programa que dende as 12 horas do sábado 8 de agosto dará comezo ás catro xornadas que abrangerán as Festas de San Lourenzo de Belesar.

De 12 a 14 horas, terán lugar pasarrúas co grupo tradicional A Merced da parroquia gondamarensa de Chaín. Ao finalizar dará comezo un xantar popular até as 16:30 cando comece a mostra de cervexa artesanal do Val Miñor. Paralelamente haberá sesións de música alternativa e a actuación da Escola de Baile Marcando Pasos de Nigrán.

Ás 20 horas terá lugar unha función de teatro e ás 21:45 se desenvolverá a presentación oficial do "Festival Son da Rúa", coa participación de Hide&Seek, Dallas Gracias, Grupo Millo, Solfabirras. A xornada pechará con baile e cargo do DjRober.

Durante a xornada estará aberto un mercadillo con diversos produtos e unha barra a prezos populares xestionada pola organización.

O colectivo SondaRúa e unha asociación sen ánimo de lucro do Val Miñor, organizadora de eventos e obradoiros, "todos eles sempre nunha dinámica alternativa e de compañeirismo".